

BOSNA I HERCEGOVINA  
APELACIONI SUD BRČKO DISTRIKTA  
BOSNE I HERCEGOVINE  
Broj: 097-O-Su-16-000381  
Brčko, 13.05.2016. godine

Na osnovu odredaba člana 18. i člana 19. Pravilnika o unutrašnjem sudskom poslovanju („Službeni glasnik Bosne i Hercegovine“, broj 66/12), građansko-privredno-upravno odjeljenje Apelacionog suda Brčko distrikta Bosne i Hercegovine usvojilo je slijedeće :

#### PRAVNO SHVATANJE

Rokovi iz odredbe člana 21. Zakona o izmjenama i dopunama Zakona o radu Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj 20/13), kojim je izmijenjena odredba člana 88. stav 4. Zakona o radu Brčko distrikta Bosne i Hercegovine („Službeni glasnik Brčko distrikta Bosne i Hercegovine“ broj 7/00, 8/03, 33/04, 29/05, 19/06, 19/07 i 25/08), prekluzivni su rokovi, čijim protekom se gubi pravo na podnošenje tužbe za utvrđivanje povrede prava iz radnog odnosa i na njih sud pazi po službenoj dužnosti.

Rok iz člana 91. Zakona o radu Brčko distrikta Bosne i Hercegovine je zastarni rok materijalnog prava, čijim protekom ne prestaje pravo na novčano potraživanje iz radnog odnosa, već zaposlenik zbog svog pasivnog držanja gubi pravo na zaštitu tog prava, ako poslodavac istakne prigovor zastare, na koji sud ne pazi po službenoj dužnosti.

Međutim, u situaciji da tužilac tužbenim zahtjevom traži da se utvrdi da mu je odlukom tuženog povrijeđeno određeno pravo iz radnog odnosa, kao i da mu tuženi nadoknadi novčana potraživanja (neisplaćene plate i dr....) za vrijeme trajanja povrede tog prava, odluka o povredi prava tužioca iz radnog odnosa predstavlja prethodno pitanje za donošenje odluke o nadoknadi novčanog potraživanja.

Predsjednik  
građansko-privredno-upravnog odjeljenja

---

Sudija Ruža Gligorević